

## Мерейтойлық шаралар

**27 қыркүйек**  
**Сағат: 10:00.**  
«Жүрек жылуы» қайырымдылық акциясы.  
«Ақмешіт-Сырдария» мешіті.

**Сағат: 11:00.**  
Облыстық еңбек форумы  
А.Тоқмағамбетов атындағы мәдениет үйі.

**28 қыркүйек**  
**Сағат: 10:00.**  
«Этноауыл», «Қымыз-шұбат»,  
«Қауын-қарбыз» фестивалдары  
Сыр сүлейлері аллеясы.

**Сағат: 18:00.**  
Қызылорда қаласының  
200 жылдығына арналған  
салтанатты шара  
Н.Бекежанов атындағы драма театр.

**Сағат: 18:00.**  
Қызылорда қаласының  
200 жылдық мерейтойына  
арналған эстрада жұлдыздарының  
гала-концерті  
Орталық алаң.

**29 қыркүйек**  
**Сағат: 9:00**  
Ауыл шаруашылық өнімдерінің

облыстық жәрменкесі  
Қала орталығы.

**Сағат: 10:00**  
«Сыр тұлпары» ат бәйгесі  
Қызылорда қаласының ипподромы.

**Сағат: 17:00**  
Түйе палуандар сайысы  
«Евразия» спорт кешені.



# Сыр бойы

№143  
(19626)  
27 ҚЫРКҮЙЕК,  
БЕЙСЕНБІ  
2018 ЖЫЛ

ҚЫЗЫЛОРДА ОБЛЫСТЫҚ ҚОҒАМДЫҚ-САЯСИ ГАЗЕТ

1929 ЖЫЛДЫҢ 1 ШІЛДЕСІНЕН ШЫҒАДЫ

WWW.SYRBOYI.KZ

## ОБЛЫС ӘКІМІНІҢ ҚҰТТЫҚТАУЫ

**Құрметті қызылордалықтар!**

**Сіздерді сүйікті қаламыздың 200 жылдық мерейтойымен шын жүректен құттықтаймын!**

Биыл Елордамыз Астананың 20 жылдық және Қызылорда қаласының 200 жылдық мерейтойларын қатар атап өтудеміз. Бұл Қазақстанның алғашқы және қазіргі астаналары арасындағы ерекше рухани байланысты аңғартады.

Екі ғасыр ішінде Қызылорда қаласы тарихы бай, көрікті әрі заманауи қала болып қалыптасып, ұлттық рухани құндылықтардың ұйытқысына айналды.

Қызылорда қаласы Жанкент, Шірік-Рабат, Сығанақ сынды ежелгі астаналардың және Ақ Орда мен Алтын Орда сияқты хан ордalarının аумағы, Кеңес Одағы кезінде Қазақстанның астанасы, сондай-ақ, ағарту, саяси және өнеркәсіптік даму орталығы болды. Ұтымсызға «қазақ» атауын қайтару туралы шешім де дәл осы киелі мекенде қабылданды.

Астана қаласына қарап бой түзген Қызылорда Сырдарияның сол жағалауына қарай кеңейіп, өзінің қос ғасырлық мерейтойына ерекше сый жасап отыр. Келешекте де сәулеті мен дәулеті келіскен қаламыз орасан жетістіктерімен ел дамуына зор үлес қоса бермек.

**Қымбатты жерлестер!**

Сүйікті қаламыздың өсіп-өркендеуіне үлес қосқан баршаңыздың еңбектеріңізге ризашылық білдіре отырып, Сіздерге толағай табыс, отбастарыңызға бақ-береке тілеймін!

Халқымыздың қажырлы еңбегі мен еліміздің мызғымас бірлігі тәуелсіз Қазақстанның қарыштап дамуының негізіне айналсын!

Гүлдене бер, өсе бер, сүйікті Қызылорда! Мереке құтты болсын!

**Құрметпен,  
облыс әкімі Қырымбек КӨШЕРБАЕВ.**



## ҚЫЗЫЛОРДА – ТУҒАН ЖЕРІМ, ДУМАНДЫ ЕЛІМ

Қызылорда қаласының әкімі Нұрлыбек Машбекұлы Нәлібаевпен сұхбат

– Құрметті Нұрлыбек Машбекұлы, Елбасы Алаштың анасына тенеген қасиетті Сырдың екі ғасырлық тарихын кеудесіне басқан Қызылорда соңғы жылдары кереге жайып, келбеттеніп келеді. Туған шаһарымыздың төл тойының аталып өтілуі өнімді де, жанымызды да түлетіп, жарқын көңіл-күйге бөледі. Атап айтсақ, той болады дегеннен бері бүгінге дейін облыс бойынша әртүрлі бағытта 40-қа жуық мәдени шара ұйымдастырылыпты.

Солардың бірі кеше ғана дүбірлеп өткен Тасбөгет кентінің 70 жылдығына арналған шаралар. Әсіресе, жұртшылыққа қазақша күрестің облыстық турнирі, республикалық айтыс және қазақ ән жұлдыздарының концерті ерекше сезім сыйлады.

Сөзді қала тойын атап өтудің маңызы мен қала халқын алдағы күндерде тағы қандай қызықшылықтардың күтіп тұрғанынан бастасак...

– Еліміздің жүрегі елордамыз Астананың тарихи тағылымы терең 20 жылдық мерейтойымен қабат келген туған қаламыздың 200 жылдығын атап өтудің маңызы зор. Себебі, бұл қарапайым мерекесі емес, бұл – тарихқа тағым, болашаққа бағдар.

«Той халықтың қазынасы» деген. Бұл тойды өткеннен өнеге алуымыз, бабалардан қалған бай мұра мен асыл құндылықтарымызды ертеңгі ұрпаққа

аманаттау, ұлттық қасиетіміз бен салт-дәстүрімізді доріктеуіміз деп түсінудіміз керек.

Қазақлықтың қайнары, бірлік-берекенің байламы болған Сыр елінің сұлу шаһары Қызылорда – небір тарихи кезеңдердің куәсі, тұғырлы тұлғаларды түлеткен ақ босаға, соны бастамалар мен тың жаңалықтардың қасиетті ордасы.

2-бет



■ Туған jer

## БАҚ ҚОНҒАН БАТЫРЛАР АУЫЛЫ

Берекелі күз мезгілінің жазға бергіз тамылжыған күнінде еліміздегі ауыл атаулыға үлгі болған Сырдария ауданының Н.Лиясов атындағы ауылына жол тарттық. Бұрынғылар «кемпіріуақ» деп атайтын жаймашуақ кез осы шығар. Адамды жан тыныштығына бөлейтін мәуелі мезеттің өзіне тән барлық бояуы айналаның ажарын кіргізіп, айқындала түскен.

6 Гүлжазира ЖАЛҒАСОВА.

Нағи ауылы... Қайсыбір жылы Елбасы «Барлық ауыл Нағи ауылындай болсын!» деп, жоғары баға берген алтын бесік. Қазақстанның Еңбек Ері, Мәжіліс депутаты Абзал Ералиевтің инвесторлығымен, камкорлығымен бүгінгі биігіне көтерілген елді мекен. Бүгінде «Абзал және К» толық серіктестігі еліміздегі құрш өндіруші компаниялардың көшін бастап тұр.

Көлігіміз гүлзар баққа оранған көшені көктей өтіп, орталыққа келіп тоқтады. Бейсауыт жүрген бір жанды кездестірмедік. «Мағжан және К» шаруашылығының кеңсесінің жанына аялдап, бұл жерден ешкімге жолға алмайтынымызға көзіміз жетті. Расында, мұндай жауапты мезгіл, мазасыз мауысымда кеңседе кім отырушы еді?

3-бет









## Konferentsua

## «English for Jastar» — жаңа жоба



Молдір КАЛЫМБЕТ.

«Нұр Отан» партиясының ауылдық мектеп оқушыларына ағылшын тілін тегін оқытатын «English for Jastar» жобасы іске қосылды. Ол Мемлекет басшысының тапсырмасы шеңберінде іске асып жатқан үштілділікті енгізу жөніндегі ауқымды бағдарламаны қолдау бағытында дайындалған. Тікелей үйлестірушісі — «Жас Отан» ЖҚ. Тың бастама қанатқақты режимде 2 ай бойы жүргізілді. Жоба аясында еріктілер мен шетелдік азаматтардан құрылған топ 9-11 сынып оқушыларының мектеп бағдарламасынан тыс ағылшын тілін жетілдіруіне атсалысады. Біздің облыстан 19 ерікті жобаға қатысуға ниет білдірді. Тестілеуден және сұхбаттасудан өткеннен кейін олардың 11-і іріктеліп алынды. Енді олар облыстың барлық жеті ауданында қызмет ететін болады. Оқыту айс-брейкинг, дебат және басқа да әдіс-тәсілдермен жүргізілмек. Келесі айда Арал және Қармақшы аудандарындағы ауыл оқушыларына тілді менгертуге 2 шетелдік азамат келеді деп жоспарлануда. Жобаның сәтті жүзеге асуына облыстық білім басқармасы да қолдау көрсетіп жатыр, — деді Т.Тілес.

Айта кетейік, республика бойынша үштілділікті дамытуға ниет білдірген еріктілердің саны 141-ге жеткен екен. Олардың 75-і — жоғары оқу орнында білім алып жатқан студенттер. Ал шетелдік еріктілер қатарында Гарвард университетінің түлегі, Кэмбридж университетінің магистранты Кэннет Палмер бар.

## ТҰҢҒЫШ ТҮЛЕКТЕРДІҢ КЕЗДЕСУІ



РУХАНИ ЖАҢҒЫРУ

Әркімге өзі білім алған, өміріндегі ең елеулі шақты өткізген алтын ұясы қымбат. Қызылорда қаласында орналасқан Сәкен Сейфуллин атындағы №4 орта мектепте жуырда мазмұнды кездесу болды. Олай болатын себебі, кездесуге келген мектептің қырық бес жыл бұрынғы әрі тұңғыш түлектері еді.

## Назерке САНИЯЗОВА.

Он жеті-он сегіз жасында арман қуып жан-жаққа аттанған бозбала-бойжеткендердің жасы бүгінде алпыстың үстінде. Әрқайсысы шаштарына ақ түскен ата мен әже атанды. Әрісі алыс-жақын шет елдерде, берісі Қазақстанның әр түкпірінде және туған жерде тіршілік етіп жүр. №4 мектеп 1964 жылы ашылған уақытта аралас орта мектеп болды. Ал қазір сабақ тек қазақ тілінде жүреді. Өмірдің иіріммен тарыдай шашырап кеткен түлектер білім ошағының ұзақ жылдан кейінгі кейін көріп, жетістіктеріне қуанды, оқушылардың өнерін тамашалады. Өздері оқыған кабинетке кіріп, парталарына отырды. Балалық шақтағы балдай тәтті естеліктермен бөлісті.

Кездесудің тағы бір тағылым алар тұсы, оған сынып жетекшілігін атқарған Людмила Моставщикова да қатысты. Зейнеткер еңбек жолын осы мектепте химия-биология пәнінің мұғалімі ретінде бастаған.

— Балалар бір-бірімен өте тату, елгезек, білімге құштар болды. Бұзықтық жасаған сәттері де есіме түсіп отыр. Сол кездегі басшымыз Қасымбек Ибраевтың арқасында білікті педагогтар ұжымы қалыптасты. Міне, бүгін алыста тұратынына қарамастан, сыныпта оқыған жиырма бесі түгел жиналды. Әрқайсысының орны мен үнін бір төбе, — деді ұлағатты ұстаз.

Ұрпақ сабақтастығын жалғаған шарада кішкентай өнерпаздар қадірлі қонақтарға арнап концерттік бағдарлама ұсынды. Мектеп директоры Ақгүл Алтынбекова жас буын бұдан тәлім мен тағылым алатынына сенім білдірді.

— Біздің де оқушыларымыз аға-апалары сияқты білім алған орындарын ұмытпаса екен. Сіздерге қарап бой түзесе, болашақ мектептеріңіз айқындаса екен. Өздеріне артылған сенімді ақтаса, ұстаз үшін одан асқан бақыт жоқ, — деді ол.



## «СЫР ТҰЛПАРЫ»

## ХАС ЖҮЙРІКТІҢ БАҒЫ ЖАНҒАЛЫ ТҰР

Киелі Сырдың жүрегі — Қызылорда қаласының қос гасырлық мерейтойы атпа басынан алуан шарамен әрленіп келеді. Сәтін салса, осы сенбеді, ат баптап, арқымақ мінген арда қазақ той тартуының ерекше сыйына куә болғалы тұр. Күні бұрын дүйім елге дақпырты жеткен бұл аламанның «алды кім болар екен?» деген сыншылар сөзі көптен бері әлеуметтік желіде желдей есуде. Ұлттық өнердің төре түріне бұлайша қызу алған қоғамдық пікір тектен-тек емес. Өйткені, бұл — қазақтың дара дәстүрі, жігер-намысы!

Қазір тәуелсіз елдің түкпір-түкпірінде ат шаптырып, аламан құрып отырған қауым көп. Соған сай талай жүйріктің де атағы ел аралап жүр. Бір анығы, бүгінгі қазақ жабыдан ат жаратпайды. Бәйгегің бәсі биік, қарқыны қатты. Таза қанды жылқылар дес берер емес. Бірақ сол таза қанды жылқыны тек алыс-жақын шет елдерден алдыртып, баптап жүрген атбегілер «қолтума» өсіруге аса құнтты емес. Неліктен? Сұрақ көп, жауабы да әрқалай.

Тақырыпқа тереңірек тағы айналып келерміз. Ал бүгінгі түйін. Сыр жүрегі — Қызылорданың мерейтойға үлкен әзірлікпен келуі. Соңғы бес жылда жаңашылдыққа жол салған, еліне ел қосылып Арқа төсіндегі Астанадай сол жағалауға жаңа қала салған, айта берсек жетістігі жетпелі өңірдің ұлттың сара сайысы — ат спортына да ерекше көңіл бөлгенін тазай жұрт тағы бір танығалы тұр. «Қызылорданың ипподромы өзгелерге үлгі болса керек» деп еді әуелден-ақ атбегі қауым. Міне, сол ұлт өнерін ұлықтауға қызмет ететін орын сенбеді дүлдүлдер дүбіріне бөленеді.

«Ат бәйгелі, есіміңіз әйгілі болсын!»

## ЖАРТЫ ҒАСЫР БҰРЫН...

Елбасының «Болашаққа бағдар: рухани жаңғыру» мақаласы бағытында Қараөзек ауылында тағылымды шара өтті.

Туған топырақты кастерлеу — халқымыздың ата-бабадан жалғасқан қағида. Осы қағидадан ұстанған әр адам атамекен — алтын бесігін естен шығармай, оған өзін мәңгілік қарыздар санайтыны ақиқат.

№128 негізгі мектепте 50 жыл бұрын түлеп ұшқан түлектермен өткен кездесудің маңызы зор болды. «Туған жерге тағзым» тақырыбында ұйымдастырылған шараға әр салада еңбек етіп, табысқа жеткен танымал азаматтар өз сынып жетекшісі Токтасын ағаймен бірге келді.



1968 жылы «Қараөзек» мектебін бітірген түлектер сөз алып, өздерінің мектеп партасында өткізген қызықты шақтарынан, балдәурен балалық кезеңнен әдемі естеліктер айтты. 3 шақырым жердегі Айнакөл ауылынан, 10-разъезден катынап білім алғандарын, сол білімдері өмірлік азық болғанын оқушыларға мақтанышымен жеткізді. Мектепте білім нәрімен сусындатқан ұстаздарын естеріне алып, ол кісілерге алғыстарын білдірді, жас буынға ақ тілектерін арнады. «Ауылым — әнім» әнін шырқап, туған жерге деген сағыныштарын, ыстық ықыластарын әдемі әуенмен жеткізді.

Бақытқұл ДӘУЛЕТНЯРОВА,  
№128 негізгі мектеп директорының орынбасары

## Меншік иесі



жауапкершілігі шектеулі серіктестігі

БАС ДИРЕКТОР  
Аманжол ОҢҒАРБАЕВ  
қабылдау бөлмесі  
телефакс: 8/7242/ 70-00-36

БАС РЕДАКТОР  
Қуат ШАРАБИДИНОВ  
қабылдау бөлмесі —  
тел: 8/7242/ 40-02-17

Бас редактордың орынбасары — 70-00-43  
Жауапты хатшы — 70-00-81

Бөлімдер:  
руханият және ақпарат — 70-00-64, 70-00-41  
экономика — 70-00-41, 70-00-68  
әлеумет және саясат — 70-00-73  
жарнама — 70-00-49, 70-00-52  
есеп-қисап — 70-00-39, 70-00-38,  
компьютер орталығы және корректорлар — 70-00-34

Газет аптасына 3 рет  
(сейсенбі, бейсенбі, сенбі күндері) шығады.

Газет Қазақстан Республикасының Мәдениет және ақпарат министрлігі Ақпарат және мұрағат комитетінде тіркелген.  
Тіркеу куәлігі № 12993-Ғ, 27.08.2012 ж.

Қызылорда облыстық «Сыр бойы» газеті ҚР СТ ИСО 9001-2009 «Сапа менеджменті жүйесі» талаптарына сәйкес сертифицирталған. Авторларға қаламақы тапсырыс бойынша төленеді, қолжазба өңделеді және қайтарылмайды. Жариялымыр газеттің түпкілікті көзқарасын білдірмейді. «АҚ» — ақылы қызмет. Жарнама мазмұнына жарнама беруші жауапты.

Газет редакцияның компьютер орталығында қатталып, «Сыр медиа» ЖШС өз баспаханасында басылды.  
Тел.: 8/7242/ 40-06-68.  
Газеттің таралымы бойынша 8/7242/ 70-14-08 телефон нөміріне хабарласуға болады.

Таралымы 28729  
Тапсырыс №1540

## Jiger

Шиеді ауданындағы Бәйгекүм ауылының тұрғыны Қарлығаш Жақыпованың мамандығы мұғалім, алайда ол ауылдастары арасында тігіншілігімен де белгілі.

## Айнұр БАТТАЛОВА.

Екінші сынып оқып жүргенде темір жолдың арғы бетіндегі мектепке барар жолда поездың астына түсіп, бір ажалдан аман қалған Қарлығаш талай қиындықты басынан өткерді. Бір аяғы мен қолының кемтарлығына қарамастан, алдағы күннен үміт үзбеді.



## ӨМІРІ ҚАЙСАРЛЫҚТЫҢ ҮЛГІСІНДЕЙ

Мектепті бітірген соң қайсар кыз өзі қалаған оқуына түсіп, мұғалімдік мамандық алды. Жұрт қатарлы еңбек етіп жүріп, алғашында қолы қалт еткенде кілем тоқуды ермекке айналдырды. Соңғы үш жылдан бері тігіншілікке бет бұрып, бүгінде кыз жасауын тігумен айналысады.

— Бастапқыда өзімнің, жақындарымның тапсырысымен біріне көрпеше, біріне төсек жабықтарын тігіп беріп жүрдім. Онда да мектептегі жұмысыман босаған уақытта. Әсіресе, жазғы каникулда үйде қарап отырғанша деп тігін тігуді жөн көрдім. Бірақ, еш уақытта кәсіпкер боламын деп ойламаппын. Негізінен кәсіпкер ретінде жұмысымды бастағаным биыл. Онда да бірден бастап кетуге батылым бармай, қорқасоқтап, көп ойландым. Аудан әкіміне рахмет, жөн-жобасын түсіндіріп, кәсіп ашу үшін не істеуім қажеттігін айттып, біраз кеңес берді, — деді Қарлығаш.

Содан кәсіпкерлік палатасы арқылы «Бизнестің жол

картасы-2020» бағдарламасы бойынша курстан өтіп, бизнес жоспарын құрып, 1 млн теңгені қайтарымсыз гранттың ұтты. Сол қаржыға екі тігін машинасын сатып алды. Өйткені, қолданып жүрген тігін машинасы әжесінен қалған өте ескі болатын.

Уақыт өте келе Қарлығашқа тапсырыс берушілер қарасы көбейіп келеді. Біз барғанда кезекті кыз жасауын дайындап жатыр екен. Кәсіпкер аудан орталығы мен Қызылорда қаласынан жиі тапсырыс түсетінін айтты. Сондай-ақ, көрпе-көрпеше тіккенде тапсырыс берушінің таптаманы сай жасауға тырысады. Кейде өзі де тігінші, шебер ретінде үлгісін көрсетіп, ұсынысын айтып, өз идеясына сүйенеді.

Тапсырысты орындау мерзімі де әртүрлі, көп жағдайда тапсырыс берушінің уақытымен санасалы. Сол секілді қажетті материалдарды өзі табыды. Ең алдымен матаның сапасына мән беретінін айтты тігінші.

— Қажетті материалдарды өзімнен шығарамын. Себебі, сапасы әртүрлі болады. Біреу тауар таныса, енді бірі танымайды. Сондықтан дұрыс мата алмауы мүмкін. Осындай жайттарды ескере отырып, өзімдегіні ұсынамын. Қазір материал алу жөнінде Түркістан қаласынан бір кәсіпкер кісімен келістім. Осыған дейін жалғыз өзім айналыстым, енді жанымға бір көмекші алып отырмын, — деді ол.

Қарлығаш облыста алғаш рет өткен «Өзіңе сене баста!» атты мүмкіндігі шектеулі кәсіпкерлер өнімдерінің көрме-конкурсына қатысты. Бұл оған үлкен шабыт сыйлады. Өзі секілді тағдыр тауқыметін тартқан жанлардың таудай талабы, мұқалмас жігері, өлшеусіз еңбегі паш етілген көрмеден қанаттанған ол алдағы уақытта кәсібін кеңейтуге бекініп отыр. Бүгінде тек қыз жасаумен ғана шектелмей, заманауи үлгідегі перделер тігуді де ойна алған. 25 жылдық мұғалімдік еңбек жолын осылайша кәсіпкерлікпен ұштастырған Қарлығашты қайсарлықтың үлгісі дерсіз.



Кезекші редактор Ыдырыс ТӘЖІҰЛЫ.